

Projek MRT tak ganggu pengguna

KERAJAAN memberi perhatian dan keutamaan khusus berhubung pelaksanaan projek My Rapid Transit (MRT) supaya ia dilaksanakan mengikut perancangan ditetapkan dan tidak menyusahkan pengguna jalan raya.

Timbalan Menteri Kewangan, Datuk Dr Awang Adek Hussin berkata, sejak awal perancangan projek itu, MRT Corp melaksanakan pengurusan trafik berkesan meliputi penilaian kesan kepada trafik dan merangka pelan pengurusan trafik komprehensif.

“Ia juga perlu mematuhi keperluan pihak berkuasa tempatan (PBT) supaya proses pembinaannya dapat diselaraskan dan kesulitan diminimumkan,” katanya.